

Evening Dogri (NSD) Bulletin 22-03-2025

आकाशवाणी

खास-खास खबरां

1. माल ते सेवा कर सरबन्धी खुफिया महानिदेशालय डीजीजीआई नै 357 गैर कनूनी गेमिंग वैबसाइट गी बंद कीता। टैक्स चोरी गी लेइयै 122 करोड़ रपे गी आरजा तौरा पर फ्रीज कीता।
2. जस्टिस बी.आर.गवाई हुंदी अगुवाई च सुप्रीम कोर्ट दे जजें दा 5 मिंबरी प्रतिनिधिमंडल अज्ज बडलै इम्फाल पुज्जा।
3. महाराष्ट्र दे मुखमन्त्री देवेन्द्र फडनवीज होरें घोशणा कीती जे हाल च नागपुर हिंसा च जिमीं जायदाद गी पजाए गेदे नुक्सान गी दंगाइयें कोला गै बसूलेआ जाग।
4. भारत दी जीडीपी इक दाहके च होई दोगुणी, अंतर्राष्ट्रीय मुद्रा कोष नै आखेआ जे भारत जापान गी जीडीपी दे मामले च पिच्छे छोड़ी देग।
5. आईपीएल 2025 दी शुरूआत अज्जै थमां होआ'रदी ऐ। शुरूआती मकाबला ईडन गार्डन च कोलकाता नाईट राईडर्स ते रॉयल चैलेंजर्स बैंगलुरु कन्नै होग।

<><><><><><>श

Illegal Gamong

माल ते सेवा कर सरबन्धी खुफिया महानिदेशालय नै ऑनलाइन मनी गेमिंग दी अवैध ते अनुपालन नेई करने आली 357 वैबसाइट गी बंद कीता ऐ। महानिदेशालय नै विदेशें थमां चलाई जाने आली ऑनलाइन गेमिंग कंपनिएं दे खलाफ कारवाई तेज कीती ऐ। ऑनलाइन मनी गेमिंग उद्योग च स्वदेशी ते विदेशी कंपनियां शामिल न। सट्टेबाजी ते जूए कन्नै जुड़ी दी तकरीबन 7 सौ विदेशी कंपनियां महानिदेशालय दी नजरी च न। खजाना मंत्रालय नै इक विज्ञप्ति च आखेआ जे एह कंपनियां जीएसटी दे सदमें च पंजीकरण करियै भुगतान करने ते टैक्स नियमें दी पालन करने च नाकाम रेइयां न। महानिदेशालय नै ऑनलाइन गेमिंग प्लेटफार्म कन्नै जुड़े दे 166 म्यूल बैंक खाते गी बी बंद कीता ऐ। इब्बी भारत थमां बाहर दी कंपनिएं कन्नै जुड़े दे हे। इस मामले च त्रै जोकें गी गिरफ्तार कीता गेआ ऐ ते पुच्छ-पड़ताल चला'रदी ऐ।

<><><><><><>

Manipur SC Judges

जस्टिस बी.आर.गवाई हुंदी अगुवाई च सुप्रीम कोर्ट दे जजे दा 5 मिंबरी न?प्रतिनिधिमंडल अज्जै इम्फाल पुज्जा। इम्फाल पुज्जने पर प्रतिनिधिमंडल दे त्रै जज जस्टिस गवाई, जस्टिस विक्रम नाथ ते जस्टिस एम.एम.सुन्देश होरें चुनां—चंदपुर दा दौरा कीता ते कनूनी सेवाएं दे कैप हैल्थ कैप दे उद्घाटन कार्यक्रम ते उत्थें कनूनी सहायता सरबंधी कार्यक्रम च शामिल होए। उनें अंदरूनी तौर पर विसीपत लोकें गी बी राहत समेयान बंडेआ जिनें राहत केंपें च आसरा लैते दा ऐं इम्फाल वापसी यात्रा च उनें विष्णुपुर जिले दे राहत शिविर दा दौरा लाया ते आईडीपी गी पेश औने आली शिकायतें गी सुनेआ।

<><><><><><>

Jaggery Exports

सरकार नै मुज्जफर नगर थमां 30 मीट्रिक टन जी.आई—टैगड़ गुड़ दी खेप बंगलादेश च निर्यात कीती। इस पैहलकदमी कन्नै करयान उत्पादक संगठनें ते करसान उत्पादक कंपनिं दे राएं पच्छमी उत्तर प्रदेश थमां बंगलादेश च गुड़ दे सिद्धे निर्यात दी शुरूआत होई ऐ। इस निर्यात च कृषि ते डब्बा बंद खाद्य उत्पादक निर्यात विकास अर्थाटी आस्सेआ सहूलियत दित्ती गई। एंथुरियम दे फुल्लें दी इक होर खेप मिजोरम दी राजधानी ऐजल थमां सिंगापुर लेई भेजी गई। पैहली बारी भेजे जाने आली खेप च इक ज्हार शा मते एथेरियम कट फुल्ल न। एह खेप खास तौरा पर पूर्वोत्तर क्षेत्र थमां फुल्ले दे निर्यात गी बधाने दे दिशा च बी इक मते महत्वै आली गैह ऐ।

<><><><><><>

Delhi MLA's MCD

तदिल्ली विधानसभा दे स्पीकर विजेन्द्र गुप्ता होरें अज्ज दिल्ली विधायिका असैंबली दे 14 सदस्यें गी दिल्ली दी म्यूनिसिपल कारपोरेशन यानि एमसीडी च चालू माली ब'रे 2025—26 लेई राज्य सरकार दी अगुवाई लेई नामजद कीता ऐ। नामजदगी पर बोलदे होई स्पीकर होरें लोह पाई जे नियुक्त विधायक एमसीडी गी बजट तैआर करने, नागरिक प्रशासन ते शेहरी शासत सरबंधी गतिविधिं च मदद करगंन। उनें अग्गे आखेआ जे साफ सुथराई ढांचा विकास

ते होर दूई म्यूनिसिपल चुनौतिएं च उंदी महत्वै आली भूमका दिल्ली दे लोकें दे जीवन दे म्यार च बेहतरी आन्नन।

<><><><><><><><>

Maharashtra Nagpur

महाराष्ट्र दे मुख्यमंत्री देवेन्द्र फडण्सवीस होरें अज्ज ऐलान कीता जे हाल च गै नागपुर च हिंसा दरान नुकसान पुज्जी दी संपत्तिएं दी लागत, इस घटना लेई जिम्मेदार दंगाई थमां वसूली जाग, ते इस चाल्ली दे भुगतान नेइं होने पर उंदी जिमीं जायदाद गी जब्त ते बेचने दी कारवाई कीती जाग। मुख्यमंत्री होरें पुलस आयुक्तालय च आयोजित इक प्रेस कांफ्रेंस च एह गल्ल आक्खी ही। नागपुर हिंसा दे बारे च पुलस दे आला अधिकारिएं कन्नै एह बैठक समीक्षा बैठक दे मगरा होई। एह मुआवजा अगजे त्रै थमां 4 दिने च दित्ता जाग। मुख्यमंत्री होरें आखेआ जे सरकार नागपुर दे किश हिस्से च इसलै लागू कफर्यू दी पाबंदी च ढिल्ल देने दी कोशश करा'रदी ऐ।

<><><><><><><><>

World Water Day

प्रधानमंत्री नरेन्द्र मोदी होरें कुल संसारी पानी सरबंधी ध्याड़े पर अज्ज पानी दे संरक्षण ते टिकाऊ विकास दे बाद्धे विकास लेई देसा दे धेइयै गी परतियै दोहराया ऐ। इक सोशल मीडिया पोस्ट च उनें पानी दे संरक्षण दे महत्वै गी उजागर करदे होई इक वीडियो सांझा कीता। उनें जोर दित्ता जे पानी सश्य समाज दी जीवन रेखा ऐ ते अगली पीढी लेई एहदे संरक्षण दी जरूरत पर जोर दित्ता। पानी सरबंधी कुलसंसारी ध्याड़ा अज्ज मनाया गेआ। एह ध्याड़ा अज्ज मनाया गेआ। एह ध्याड़ा ताजा पानी दे महत्वै गी उजागर करदा ऐ ते जल स्रोतें दे टिकाऊ प्रबंधन दी हिमायत करदा ऐ। इस ब'रे पर कुल संसारी पानी सरबंधी ध्याड़े दी विषय ऐ ग्लेशियर संरक्षण जेहदे च वैश्विक ताजा पानी दी आपूर्ति गी बनाए रखने च ग्लेशियर दी मती महत्वै आली भूमका ते जलवायु परिवर्तन गी दिक्खदे होई संरक्षण दे उपाएं दी फौरी जोड़ उप्पर जोर दित्ता गेआ ऐ।

<><><><><><><><>

PM-MKB

प्रधानमंत्री नरेन्द्र मोदी होर म्हीने च इक बारी प्रसारत होने आले अपने रेडियो कार्यक्रम “मन की बात” इस बारी 30 मार्च गी देश विदेश च रौहने आले श्रोताएं कन्नै बचार सांझे करगंन। हर म्हीने दे खीरले ऐतवार बडलै 11 बजे प्रसारत होने आले इस कार्यक्रम दी एह 120मीं किशत होग। कार्यक्रम च शामिल करने लेई लोक अपने बचार ते सुझाह 28 तरीक तगर टोल फ्री नंबर 1800-11-7800 पर भेजी सकदे न। एहदे इलावा लोक अपने बचार My Gov ते नरेन्द्र मोदी ऐप पर बी भेजी सकदे न। एह कार्यक्रम आकाशवाणी ते दूरदर्शन दे समूलचे नेटवर्क दे इलावा न्यूज ऑन एयर मोबाइल ऐप पर बी उपलब्ध रौहग।

<><><><><><><><>

GDP

भारत नै पिछले 10एं बरें च अपने सकल घरेलू उत्पादक च 105 फीसद दी बढ़ोतरी गी दोगुणा करी दित्ता ऐ, जेहड़ा 2015 च 2.1 खरब डॉलर थमां 2025 च 4.3 खरब डॉलर होइ गेआ ऐ। अंतर्राष्ट्रीय मुद्रा कोष आस्सेआ जारी आंकड़े मूजब भारत हुनै अमरीका, चीन, जर्मनी ते जापान दे बाद दुनिया च जीडीपी दे मामले च 5मां सारे शा बड्डे मुख्य च शुमार ऐ। इस च आखेआ गेआ ऐ जे भारत जापान थमां तौले गै अगगे निकलने आला ऐ की जे पिछले इक दहाके च जापान दी जीडीपी बिंदक बी नेई बधी ऐ। एहदे मकाबले इस्सै दरान अमरीका ते ची नदी जीडीपी च क्रमश 66 फीसद ते 44 फीसद दी बढ़ोतरी दर्ज कीती गई ऐ।

<><><><><><><><>

GST Bill

उपमुख्यमंत्री सुरिंदर चौधरी होरें जम्मू-कश्मीर दे माल-समेयान ते सेवाएं सरबंधी टैक्स यानि जीएसटी आहले 2017 बरे दे कानून च संशोधन मतल्लक बिल गी विधानसभा च सदन पटल पर रक्खेआ। आकाशवाणी दे जम्मू संवाददाता दी रिपोर्ट मूजब, इस बिल गी सरकारी गैजेट च पैहले गै प्रकाशित करी दित्ता गेदा ऐ। उपमुख्यमंत्री होरें एह बिल, मुख्यमंत्री ओमर अब्दुल्ला हुंदी थाहर, सदन च पेश कीता।

<><><><><><><><>

Waste Management

जम्मू-कश्मीर सरकारै अज्ज विधानसभा च एह जानकारी दित्ती ऐ जे जम्मू नार्थ हलके हेठ औने आहले कोट भलवाल ग्रांS गी नाफेड दे तैहत ठोस कूड़े-कचरे दे साईंसी ढंग्गै सिर प्रबंधन आहले प्लांट दे तौर उप्पर विकसित कीता जा'रदा ऐ। आकाशवाणी दे जम्मू संवाददाता दी रिपोर्ट मूजब, सेहत मंत्री सकीना इत्तू होरें शाम लाल शर्मा हुंदे आसेआ पुच्छे गेदे इक सोआलै दा, मुख्मंत्री ओमर अब्दुल्ला हुंदी तरफा परता दि'दे होई एह जानकारी सांझी कीती। मंत्री होरें इब्बी दस्सेआ जे सरकार, ठोस कूड़े-कचरे सरबंधी मामलें दे हल लेई वचनबद्ध ऐ ते खासतौरा उप्पर शैहरी इलाकें च इस समस्या दे नबेड़े लेई सक्रियता कन्नै गैहीं पुटिट्यां जा'रदियां न।

<><><><><><>

Industrial Estates

उपमुख्मंत्री सुरिंदर चौधरी होरें अज्ज गलाया ऐ जे जम्मू-कश्मीर च नमें औद्योगिक एस्टेट स्थापित करने दे मकसद कन्नै जम्मू संभाग च 14 ज्हार 959 कनाल ते 15 मरले जिमीं जिसलै के कश्मीर संभाग च 6 ज्हार 745 कनाल ते 19 मरले जिमीं मुंतकिल कीती गई ऐ। आकाशवाणी दे जम्मू संवाददाता दी रिपोर्ट मूजब, उपमुख्मंत्री होरें अली मोहम्मद डार हुंदे आसेआ पुच्छे गेदे इक सोआलै दा परता दि'दे होई एह जानकारी सांझी कीती। उ'नें सदन गी दस्सेआ जे औद्योगिक एस्टेटें दी स्थापना लेई जम्मू संभाग च 9 ज्हार 661 कनाल ते 5 मरले जिमीं ते कश्मीर घाटी च 5 ज्हार कनाल ते 13 मरले जिमीं मुंतकिल करने लेई प्रस्ताS रक्खी दित्ते गेदे न। उ'नें दस्सेआ जे जम्मू-कश्मीर दी औद्योगिक नीति 2021-2030 दी मते तरजीह आहले खेत्तरें दी सूची च शिक्षा ते कौशल विकास मुख्म तौर उप्पर शामिल ऐ ते एह खेत्तर, केन्द्री सैक्टर दी नमीं योजना 2021 दी 'सेवा खेत्तर आली सकारात्मक सूची' दा बी इक अहम हिस्सा ऐ।

<><><><><><>

RSS

अखिल भारतीय प्रतिनिधि सभा आरएसएस नै अज्ज बंगलादेश च हिंदुएं दी दशा बारे चर्चा कीती। बंगलादेश च हिंदुएं ते दुए समुदायें कन्नै कीते जा'रदे अमानवीय व्यवहार पर इस मौके चिंता जाहर कीती गई। सभा नै इस मामले च संयुक्त राष्ट्र ते आलमी बिरादरी गी दखल देने आस्तै आखेआ ऐ जेहदे कन्नै हिंदुएं खलाफ होआ'रदी हिंसा पर रोक लाई जाई सकै।

सभा तरफा जारी इक ब्यान च आखेआ गोआ ऐ जे बंग्लादेश च हिंदुएं दी आबादी च कमी जेह्डी गै 22 फीसदी रेई गई ऐ, कन्नै पता चलदा ऐ जे हिंदुएं दा वजूद उत्थें खतरे च ऐ। सभा नै बक्ख-बक्ख देश दे हिंदू समुदाय ते नेताएं गी इक जुट होइयै अगगे औने आस्तै आखेआ ऐ जेह्दे कन्नै बंग्लादेश च हिंदुएं ते दुए अल्पसंख्यकें दी आवाज मती बुलंद होई सकै।

<><><><><><>

Jal Shakti Abhiyaan

अज्ज विश्व जल दिवस दे मौके केन्द्र जल शक्ति मंत्री सी.आर. पाटिल हुंदे पूरे देश च जल शक्ति अभियान दी शुरूवात कीती जेह्दा नारा ऐ कैच द रेन-2025 यानि बरखा दे पानी गी इस्तेमाल आस्तै बचाना। इस अभियान दे शुरुआत हरियाणा दे तारु देवी पुचकुला च लाल स्टेडियम च कीती गई। हरियाणा दे मुख्यमंत्री नायाब सिंह सैनी, हरियाणा दे सिंचाई ते जल संसाधन मंत्री श्रुति चौधरी ते दुए मन्ने परमन्ने दे लोक इस मौके मजूद हे।

<><><><><><>

IPL

इंडियन प्रीमियर लीग दा 18मां संस्करण अज्जै थमां शुरू होआ'रदा ऐ। उद्घाटनी मैच च अज्ज संजा रॉयल चैलेजर्स बैंगलुरु दा मकाबला पिछली बारी दी जित्ती दी टीम कोलकाता नाईट राईडर्स कन्नै कोलकाता दे ईडन गार्डन मैदान च होग। मैच सजां साढे 7 बजे शुरू होग। प्रतियोगिता च 10एं टीमें दे 74 मैच होंगन। फाइनल मैच 25 मई गी खेड्ढेआ जाग। मैच कोला पेहले आईपीएल 2025 दा रंगारंग कार्यक्रम कन्नै शानदार उद्घाटन कीता जाग।

<><><><><><>